



UNIVERSITÄTS-  
BIBLIOTHEK  
PADERBORN

**De Vita Et Rebus Gestis Christophori Bernardi Episcopi Et  
Principis Monasteriensis Decas**

**Alpen, Johann von**

**Coesfeldiae, 1694**

84. Musæ congratulantes.

---

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

Davidis centesimâ quadragesimâ tertiâ,  
*Protector meus & in ipso speravi, qui*  
*subdit populum meum sub me.* Latus al-  
 terum effigiem repræsentabat Divi Pauli  
 Monasteriensium Patroni, expressam ist-  
 hic Civitatem obumbrantis, cum hac  
 inscriptione: *Monasterium Westphalia*  
*ad obedientiam reductum (& in ambitu)*  
*à Celsissimo & Reverendissimo D. D. Chri-*  
*stophoro Bernardo Episcopo Monaste-*  
*riensi, Burggravio Strombergensi, S. R. I.*  
*Principe, Domino in Borculo.*

Porro in æde, sacris iterum solenni  
 ritu operatum; ac dein Ambrosianum  
 gratiarum carmen, alternantibus versum  
 Tubicinibus, totâ basilicâ insonuit. Quo  
 finito inter repetitas machinarum omnium  
 ac militarium scloporum displusiones, læ-  
 tos tubarum, tympanorumque clangores,  
 & compulsatum Urbe totâ æs campanum,  
 in palatium Episcopale secessum est. Ist-  
 hic Summates ac Nobiles viros supra cen-  
 tum regali Princeps prandio excepit, in se-  
 rum usque vesperum protracto.

Epula.

Sed & musæ gratantium turbis immixtæ  
 eo die concertabant. Albertus *Watringa* *Muse*  
 in ordine Seraphico *Observans*, & Erne-  
 stus *Woltermannus* è familia *Conventua-*  
*lium* ab oratione tum ligatâ, tum solutâ  
 commendabantur. Verum illatis ad men-  
 sas bellariis, offerebat *Societas JESU*, in

84.

congrat-  
tulantes.

M m 5      pacis

pacis ac lætitiæ symbolum, syncharmatu  
duodecim, binarum Olivarum sub Iride  
sacris Divorum lipsanis pullulantium, ti-  
tulo & icone exornata. Cujus eleganti  
scripti nucleum dedicationi incluserunt,  
quam omittere hoc loco religioni visum  
fuit.

*Reverendissime & Celsissime Princeps,  
Domine clementissime.*

*Olivam Tuam sistimus Celsitudini, mi-  
rem, pinguem ac fecundissimam arbor-  
rem. Arborem symbolum pacis, ubertatis  
indiciam, victoriae signum & insignis  
Victorum coronamentum. Geminam autem  
Olivam sub Iride de Sanctorum Lipsanis  
pullulantem facimus, ut firmam ac  
fecundam hanc fore pacem ominemur.  
Nam & gemelli partus fecunditatis  
sunt argumentum; & Iris præterquam  
quod pacis & concordia sit divinitus da-  
tum mnemosynon, etiam aspectu suo Asphal-  
thum, aliasque plantas, & latius provenire,  
& copiosius fructificare facit. Ossa  
item Sanctorum sunt & erunt.*

*Aternatura caelestia pignora pacis.  
Pignora nunquam interitura, juxta Psal-  
tem: Custodit Dominus omnia ossa eor-  
um, unum ex his non conteretur: nun-  
quam virorem suam positura, juxta Ec-  
clesiasticum: quorum non est corruptum  
cor, ossa eorum pullulent de loco suo.*  
Quid

Quid verò pullulent, nisi Olivam pacis,  
 quorum corpora in pace sepulta sunt, &  
 tanquam Olivæ assistunt Dominatori uni-  
 veris terræ? Ad eandem Olivam pacis,  
 bonâ Tuâ pace, appendimus arma gen-  
 tilitia clara & antiqua Tua Nobilitatis,  
 & Episcopalia Celsissima Tua Dignita-  
 tis, quibus subiecta vides Urbis Tuæ Mo-  
 nasteriensis insignia, unâ cum copia cor-  
 nu, ex pedo, mitra & gladio, per circum-  
 ludentes, sibiq; invicem innexos olea-  
 ramos pendentia; quo devotorum Tibi  
 pectorum votum representamus, hoc  
 unum precantium, ut sicut olim apud  
 Megareses è Coræbi sepulchro Oleaster  
 quissiam, suspensa ad se diu arma, tan-  
 dem suum intra corticem admisit, clau-  
 sitq; ita & intra mitem hanc alma pa-  
 cis Olivam subditorum Tibi populorum a-  
 nimi cum Tua mente concorditer concre-  
 scant, seq; & fortunam suam, ab utraq;  
 Principis sui potestate, quâ spirituali,  
 quâ temporali pendere agnoscant.

Nemo proinde extra hanc oleam sal-  
 tet, nemo sanctum eius corticem incidat,  
 aut rumpat: ne uti ex inciso Megarensi  
 Oleastro, galea inde atq; ocrea erum-  
 pant. Emergat inde potius publico om-  
 nium bono plenum copia cornu; expe-  
 rianturq; re ipsâ omnes, & olivam pacis,  
 ex adductis sanctorum aßium pignaribus  
 pullu-

1661.

pullulasse, & talia pignora Urbi intrasse, nihil fuisse aliud, quam Pontifici boni Pastoris voce omnibus acclamasse.

## PAX VOBIS.

Cum suos Orbi radios Titan subduxisset, cepit Vulcanus successor è vasis piccis, & versatiles rotæ, lucernis graves, ex editiorum turrium fastigiis in gyro corulcare.

85.

Annua  
postridie  
supplicatio.

Posterus dies annuæ majori Theophrastæ sacer erat. Hanc de veteri more adonatanam, præsentiam suam, & nobilium comitatum, Princeps illustravit. Ordo serè idem, qui hesternus; in eo tantum mutatus, quod absque fastuoso pluvialium amictu devotior Clerus incederet, & qui pridie numerosus extra muros excubabat miles, condensatis hodie ordinibus, solam occuparet Civitatem. Cathedralis aræ latus dextrum *Plurenus*, sinistrum *Walpotius* cum Legionibus suis ita insidebant, ut inter utrumque supplicantium cætui transitus liber pateret. Exeuntes, redeuntésq; duodecim basiliscorum (quod tunc genus tormenti isthic compositum erat) & concordium bombardarum explosione venerabantur. Finitâ supplicatione & peractis in Basilicâ divinis, reditum est ad majus Aulæ triclinium, ubi convivales epulæ, priore magnificentiam instauratæ, convivas expectabant. Appetente vespero visa iterum ex vasis, & turribus, ignium hilaria.

Tertia